

كروان بيا لسان

حسن الأقصري



حسن الأقصري

كروان بلا لسان

أشعار

الطبعة الأولى ٢٠١٧



حسن الأقصري

بطاقة الكتاب

عنوان المؤلف : كروان بلا لسان
المؤلف : حسن الأقصرى
التصنيف : أشعار بالعامية المصرية
رقم الإيداع : 23909 - 2017
عدد الصفحات : 100 صفحة
رقم الإصدار الداخلى : 63
تاريخ الإصدار الداخلى : 2017 / 11 طبعة أولى

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 58365

بطاقة ضريبية : 165-5-00031-572-01-35

رقم التسجيل : 2017-7 544-662-202

E-mail: alnile waalforat@yahoo.com

twitter: النيل والفرات

youtube: alnile waalforat@yahoo.com

facebook: alnile wa alforat

هاتف : 01011266943 - 01116202218 - 01202541192



الشرقية - العاشر من رمضان - مجاورة ١٣ - عقار ٣٠٤ - الدور الثانى - أمام سنتر ١٣

إهداء

لكل من قدم لي الدعم المعنوي والمادي
إهداء لزوجتي الحبيبه التي إحتوتني بقلبها وأقتطعت من
وقتها لتساندني وتدعمني

إهداء لكل أساتذتي الشعراء المعاصرين الذين دعموا
وشجعوا وعرزوا داخلي العزم والإصرار وعرزوا داخلي
عشق الحرف وحب اللغة وإهداء لمؤسسة دار النيل والفرات
للنشر وأستاذي الشاعر ناجي عبد المنعم لدعمه المعنوي
والخروج بهذا الكتاب على أفضل صورته

إهداء لكل عربي عاشق للحرف والذوق الرفيع

مقدمة الشاعر

بسم الله ولا حول ولا قوة إلا بالله
الحمد لله الذي بنعمة تتم الصالحات
بالحرف تحيا الأمم.. وبه العوالم تهدم
أسأل الله العظيم أن يكون كل حرف كتبته خالصاً لوجهه
الكريم وأشهد الله أني ما كتبت شيئاً في غير ما يرضيك
اللهم أجعل من حرفي هذا دعماً لديني ونصرة لوطني وزخراً
لعروبتي وبلاغاً
في لغتي وأجعله لي علماً ينتفع به اللهم آمين والحمد لله رب
العامين

حسن الأقصري

(أشعار)

كروان بلا لسان

سكة الأنطاع

برغم الحب شيئ نادر
في دنيا محمله أوجاع
علي فراقك منيش قادر
ولا عارف أكون بياع
ولا قادر أكون خاين
وأجرب سكة الأنطاع
ولما تمد لي إيدك
تلاقيني أمد الباع
يروح القلب ويسافر
ويغرف من هواك بالصاع
ويغزل م النجوم طرحه
جميله وكلها إبداع

ويزرع دنيتك فرحه
وفيها من الزهور أنواع
أفوت الكل وأرجعك
وأبيع نفسي عشان ارضيك
ألاقي روعي تضحكك
وأطوف حوالبك عشان ارقيك

(أشعار)

كروان بلا لسان



(الإرهاب)

مات الألم جوه الجروح
والروح ما عاد تقدر تنوح
والنفس ملت م البكا
والقلب مش قادر يبوح

فرحان خلاص نولت الشرف
واللعنه نزلت ع الخسيس
وإرتحت من دنيا القرف
وصبحت ف الجنه عريس

وروحى طير فوق المدى

بجناح يرفرف في البراح

والفجر بعد الليل بدا

من روحى طعم المر راح

كروان بلا لسان (اشعار)

غزه بتتباد

من تحت عيون الصبح سواد
فيلم وسنوياً راح ينعاد

من قلب الأحداث بنصور
ونرش البنج ونتخدر
ونبيع الغزه ف أي مزاد

قاعدين ع الفيلم ومنتظرين
من ضرع البقره بنحلب طين
طيرنا النسر وجبنا جراد

والكل إتحول لمشاهد



وعيون بتدمع في مشاهد
نصرخ ونقول غزه بتنباد

الفيلم طويل مش متلخص
من غير دبلجه كله مرخص
بعنا الزيتون وشربنا رماد

فارد ع الكرسي وملتوي
يستمتع باللحم المشوي
ويبادل عرض مقابل زاد

والفيلم إتكرر وإتكرر
والكل إتعود ع المنظر
وفديل القرد نفلي قراد

أنا الحافي

أنا الحافي
وعلى كتافي تقيل الهم

في أوصافي
الزمن جافي ولا يهتم

أبات موجوع ف عيني دموع
ألم الهم مايتلم

وفارد للأسى باعي
أطول الشمس بدراعي
وأوجاعي
سحاب إسود بينزف دم

أنا لسان إتحرم م البوح
وعصفور إتولد مدبوح
تموت الروح
مادام مزروعه وسط الهم

قالولي الفجر هيشقشق
ف خفت من الهنا أغرق
ومين عاقل راح يصدق
ومين بالمجروحين يهتم

وتصرخ فيا أوجاعي
عشان متكسره شراعي
وبتجدف بلا داعي
وبتغني ف بلاد الصم

أصبر نفسي وأتحايل
ودمعي في العيون سايل
وربك يعدل المايل
مادام فارد جناح السلم

وأقول بكره الحياه تحلو
ويصفاي ويحلا الجو
وتتحول لجنه لو
نلاقي فيها حزن يضم

قضببان الوجع

على نفس قضبان الوجع

مات الجدع

وسنين أمل متبعتره

على نفس قضبان الوجع

الموت رجع م البدرشين للمندره

نفس المشاهد والصور

من كام سنه متكرره

وفوق رفوف الذكريات

ماتت أهات متحصره

والقلب يصرخ من سكات

وما طولت غير المشوره

قطر الغلابه الطيبين

المطحونين م القشفره

جهاز متاعك للسفر

أصل القدر راكب ورا

جائز هنا وسط الشنط

جائز هناك ع المقبره

جائز رجوعك معجزه

والموت مباح

والحلم مكسور الجناح

بين القضيب والقنطره

ياهل ترى

في العمر باقي من الساعات

ولا السفر بيرجع العمر لورا

ياهل ترى

في قلوب علينا تتوجع

ولا البكا فوق العيون

يادوب مجرد ثرثره

رافع إيديا للسما

بدعي بدموعي الملهمة

بس إنما

كل الجروح متعلمه

فوق الكتاف متجمعين

وندوب ف وشي معلمه

متبسمه

وبتحي قصه من الأئين

والشمس ليه مستسلمه

ومسلمه

وحلفت ما تطلع

من سنين

راجع تانی

راجع تانی تقول حبیتک
ونسیت الی انا شفتو معاگ
انسی یاروحی خلاص انا سبتگ
شوف غیری یقضیها معاگ
اوعی تفکر انی ارجعلگ
کنت زمان عبیط بسمعلگ
کنت علیا کتیر بتحور
وبتفتح فی السما شباگ
کنت شیطان وبتخدع قلبی
کنت فی شکل ملاک متخبی
ایاک تانی تقرب جنبی
وخذ جواباتک ینا معاگ

قلت يا معلم اني الكون لك
يا ابي انا لفت خلاص من تنك
الفر كلامك وارمى سلامك
على القعدة لعل معاك
شوف خبري بقضيتها معاك
عشت العمر تجرح فيا
وراجع تاني تقولي اهواك
وانسيت المي ودمع حنيا
وانسيت الي انا شفته معاك
انمي حياتي ياكل حياتي
وارمى ماضيك يا حبيبي وراك
الفر كلامك وارمى سلامك
وخذ جوابك بلا معاك

شهدك بطعم الخل

بلاش ترجعلي من تاني
تقول آسف تقول ندمان
وشايل في العيون دمه
وتتلوي كما التعبان
لا تتحايل ولا تتذل
خلاص القلب منك مل
وطعم الشهد من إيدك
بيتحول لطعم الخل
لنا آسف ولا غلطان
ولا يمكن أكون ندمان
ده غدرك فيا ياعمري
قتل جوايا أي حنان

خلاص إبعء خلاص إمشي
أنا في قراري مرجعشي
ولو شوفت الدموع فعنيك
سنين تنزف متنشفشي
أنا إالي الدهر فهمني
وكرر بكايا علمني
يموت القلب لو موجوع
يموت الظهر لو محني

رغم الظروف

فيه شيئ غريب

بيشدني ليكي

معرفش ليه

رغم المرار

عاشق أنا ليكي

يامصر شدي الحيل

بالعزم هتلاقي

لو طال عليكي الليل

فيكي الأمان باقي

ليلك طويل إنما

لازم هييجي الفجر

بكره تروق السما

وكل شئ بالصبر

أقول لنفسي كتير

لازم نعيديها

لما تزيد الهموم

ورا ضهرك إرميها

يامصر شدي الحيل

بالعزم هتلاقي

لو طال عليك الليل

فيكي الأمان باقي

طب ليه نعيش الخوف

م الجوع ومن بكره

وكل يوم بيفوت
بنموت 200 مره

لو تؤمرينا ف يوم
نقدر نشق الليل
يامصر شدي الحيل

حاسس كاني أنا
متغمي ف الساقيه
بين التروس محشور
وعيالي مش لاقيه
نسياني دايماً ليه
وكباني مش إبنك
فيه ناس بتاكل عسل
وأكلت أنا تبناك

يامصر شدي الحيل

أتلوى طول الليل

وكباني ف الشرنقه

ولما يحين الفجر

بيجيب معاه الشقى

لا جيت في مره شكيت

ولا عمري راح ألومك

من كتر دمعي عميت

ومسحت ف هدومك

ساعات بحس كثير

عائش كده ف غابه

بتسمي ف العصافير

وتسمني ديا به
قاسي آوي إحساس
إنك تحس بضعف
تقف يومين ف طابور
علي لقمه قد الكف

ولو مره حاولت أهرب
يرجعني صدى صوتك
تقوليلي تعال قرب
بعادك عني فيه موتك
متبعدشي ولا تهرب
بعيد عني الطريق مجهول
حتندم زي من جرب
ولا فيوم الهنا حتنول
متبعدشي

ولاتفكر فيوم تمشي
يامصر شدي الحيل
أنا طيرك مليش غيرك
وأنا الساكن ف تفكيرك
وأنا الزهره
مع وجودك متدلشي
أنا الشوكه
ف صدر عداكي
وف الأحزان قلبي معاكي
وصوتك قاللي متخافشي
متبعدشي

رباعيات

حاسب علي خطوتك
أصل الطريق بحساب
لا تماشي يوم مفتري
و تصاحب الكداب

لو رحت يوم تصطاد
خليك حويط دحلاب
صيد الغزال يحتاج
دوماً لرفق كلاب

خفي أحزانك يادنيا
واقبلي مني التحدي

مستحيل أبقى الضحية

ينحني للكف خدي

قبلك يا ولدي ... الزمن

ساب ع الجبين... علامات

ياما دفعت..... التمن

محسبتش..... الأوقات

ولو سألوه

وإن سألوه يقول مسلم
ومش قادر يصلي الفجر
ويسهر ليله ع القهوه
يقوم من نومه بعد العصر
علي وشه غضب ربه
علي جبينه ملامح فقر
وبيعانده مع الايام
صراع دايم وكر وفر
يبيع دينه علي الدنيا
ومعروف عنه طبع الغدر
يهين نفسه علي كيفه
علي سجاره وشد السطر

وقرش حشيش علي شيشه
بيشفت فيها زي القطر
وعامل م الجنيه سيده
ويرجع بيته خاوي صفر
يعلق خيبته علي بلده
بحجة انه خالي شغل
ويشكي للجميع همه
علي رزقه الي شح وقل
وحظ ولاده متمرر
رغيف ناشف ومحشي ذل
مراته تندب القسمه
مرار طافح وعيشه خل
يوماتي تلمم الهدمه
علي بيت اهلها وتفل
تقول انت السبب يابا

اكيد لازم تشوفلي حل
ابات البطن خويانه
وانام متعريه ف الطل
ولا صلي فيوم فرضه
وكل الخلق منه تقل
نصحته كتير لمصلحته
وقلت الذنب منه اتحل
مسلم نفسه للشله
ختم قلبه بمليون قفل
حموت م القهر والعله
شبابي يوم فيوم يقل
وليه يابا في ارض الشوك
بتزرع فيها شجرة فل
لا قادر يروي يوم عطشي
ولا حتي لريقي يبيل

أنا كروان

انا كروان غريب
تايه في مشواره
يبات الليل يفتش
عن طريق داره
يلف يدور حبيس
دمعه واسواره
وليله طويل
وجرحه يشد اوتاره
ومل من البكا
والنوح في أشعاره
في بحر غويط
وصامت ضد تياره

(أشعار)

كروان بلا لسان

32

وجسمه هزيل
ومين سامع لا عذاره
طريح الفرش متفطي
بابياته واشعاره
انا كروان غريب
تايه في مشواره
ومين دلوا علي المسكه
لطريق داره
يرجعه حبيب فاته
ولا مره فيوم زاره
وبحره غويط
وحلمه تاه في تياره
نهاره ليل
وليله بيشبه نهاره
وفارد ريشه

مستسلم لأقداره
شريد البال وقلبه
حبيس في افكاره
ونجمه بعيد وتاه
في الكون واسراره
وريشه هذيل ومبلل
في امطاره وانهاره
لا قادر يطير وبيعاند
في مشوار هككك

وكل أمني أعيش مستور
وأستر ولادي وأتستر
والظلم لف وجالي الدور
وقلي خليك متكرر
إياك تفكر تفرح يوم
والضحك يعلا ولا تكرر
ولا تحلم إنك صاحب بيت
وبين جيرانك تتفشخر
إنت إلي آخرك عشة بوص
مترين في متر ومش أكثر

يا ابا

كنت الحنان يا ابا
كنت السعاده
والدنيا بعدك يا ابا
احزانها ساده
كنت فحياتك يا ابا
طيبه وهواده
والفرحه كانت يا ابا
سكر زياده
كنت الحنان يا ابا
كنت السعاده
صوتك يدفي اللمه
وحضنك وساده

يكسر علينا الضلمه

ويفيض سعادته

وصبرك علينا يا ابا

عزم و اراده

كنت الطيب يا ابا

وكنتي العياده

لو غبنا عنك ثانيه

تلف البلاد

كنت الحنان يا ابا

كنت السعاده

من بعد هجرك يا ابا

احزاننا ساده

قلبك كبير يا ابا

ويشيل بلاد

وانا من دعاك يا ابا

نلت المراد
عشت فسرور يابا
والضحكه عاده
رحمه ونور يابا
نلت الشهاده
عند الكريم يابا
لينا معاد

شطرنج الحروف

شيل الطاييه و حط الفيل
أوعي طموحك يبقى دليل
للإحباط فيه مليون يافطه
و الشارع مليون عراقيل
وسط ضلوعك موت جوعك
كفن حلمك بالمناديل
كمل يومك وسط هدومك
وإقضي حياتك بالهلاهيل
شيل الطاييه و حط الفيل
حسن الأقصري

مناوره شعريه

تالتنا شيطان

وكاس مليون

وحبه حنان ف كبايه

يطوف ويدور

كلام مسحور

وحبه بخور

في دلاليه

يابنت الناس

ده واد حساس

خطير في العشق

لا نهايه

وطالب قرب

ودايب حب
ملوش غيه
ولا غايه
أكيد في امان
في أي مكان
تلاقي الجنه
ويايا
ولا تخافي
كلام الناس
يقول ان الشرف
حساس ومرايه
ولا ينداس
ولا ينشم بالأنفاس
وكل لسان بروايه
تقول ان الشرف كبريت

وان البنت قشايه
(ياوقفة العرفات)

تتزاحم الأفواج
وتسابق الأمواج
وبدعوة الحجاج
تتفتح الجنات

لبيك يا رحمن
يا خالق الأكوان
في وقفة الغفران
اغفر لنا إلهي فات

صباح الفرح يابلا دي

صباح الفجر

يرسم لوحه بالألوان

صباح الشمس

طالعه تجري ف الغيطان

صباح الفرح يابلا دي

صباح الضحكه ف ولادي

صباح الورد ف البستان

كأنه ستاره بالألوان

تفوح بالعطر ف الوادي

صباح البلطي ف الميه

فراشه تلف حواليا

صباح منحه م الهادي

صباح الشهد من نخله
صباح التمر ف النخله
وديك الفجر بينادي
صباح البنت مصريه
بتمايل بحنيه
عنيها ميتي وذادي
صباح الضحكه يابلادي
يموت م القهر حسادي
صباحك فرح انت كمان
يا لحن كمان
يا بلبل غني في البستان
يا كروان بألف لسان
يا حريه ف كل مكان
يارمز الثوره ف الميدان
عليك ضحكه بتملا مكان

تندي الورد ف الغيطان
ولو تغضب تسير بركان
وسيف حامي لكل جبان
صباح هيمان
صباح ولهان
بحب البنت ف الدكان
وف الشارع وكل مكان
بنكهة زنجبل حراق
وهادي بنكهة الريحان
صباحك ريشه بالألوان
بترسم ع الخيول فرسان
وترسم نجمه في الميه
يابحر من الحروف مليون
بتشرب منه ولوحدك
وساييني انا عطشان

إمس كفوف السما

راح ينفتحك باب

وبترتقي. سلمه

ربك كريم. وهاب

أصل الدعاء مكرمه

بيكشف. الأسباب

مهاتزيد. المحن

تلقى الحلول سراساب

كوني ضدي

أيوه بضحك

رغم خوف

من سنين رافضه تعدي

رغم غطرسة الظروف

إللي دائما واقفه ضدي

خفي أحزانك يادنيا

واقبلي مني التحدي

مستحيل أبقى الضحية

ينحني للكف خدي

ضحكتي دايمًا تداري

ضحكه بتهون مراري

بس ضحكي مش بيدي

بالفرح أبني مداين
وإنتي بالأحزان تهدي
لملمي جروحك وعدي
في الهموم بركان وثاير
ف السعادة يادوب تندي
إنني طول عمرك بتاخدي
طب. قوليلي إمتي ندي
خدتي من زهرة شبابي
خدتي أبويا وخدتي جدي
عرتيني من صحابي
سقتيني مرار مصدي
لملمي جروحك وعدي
ترفضي أو حتى ترضي
م النهارده تكوني ندي
مش هسامحك مهما جيتي

تبوسي يدي
عمري م انسى لما خنتي
وخلتيني وبارادتي
ف التراب أدفن حبايبي
والمصيبه كمان بيدي
خلتيني كثير ليالي
أبات لوحدي
بالدموع غرقانه خدي
لملي جروحك وعدي

جوا الزنازين

نجم الليل سهران يتوجع
على أركان البيت وحزين
والسما م الأحزان بتدمع
على جرح القلب المسكين
جوايا الحزن ومربع
متسلسل جوا الزنازين
وانا سارح ف الشارع وحدي
شايف توب الفرح مروح
كل بيوت متقفل بابها
والنسوان عماله بتردح
كل الناس متشندل حالها
كل طيور الدنيا تنوح

حتي كلاب الشارع كله
عماله بصوتها العالي بتتبح
عارف كل ده ليه ويحصل
لما طلبت ف مزه اني افرح
آسف لو نكدت عليكم
لما حروفي بحزن بتتضح
شفت الفرح بيملى عنكم
قلت أغلس قبل مروح

الخيانه

الخيانه..... للأمانه
والخيانه.... للوعود
لما إحساسك بيغلي
وهو يملاه البرود
لما بتصدق كلامه
تزرع الصحرا ورود
لما يحتاجك بيرسم
الف ضحكه عالخدود
وانت في عز إحتياجك
يبني ألف من السدود
يخترع مليون حكايه
كذب فاق كل الحدود

نار بتكوي نار بتحرق
دمعه بتشق الخدود
لما أكون صادق ووافي
وهو خاين أو حسود
ينكر العشره فتواني
بقلب جاحد او عنود
كل متقرب . يبيعد
وأنت تترجاه يعود
تبني قصر م الأمانى
وهو يحفر في اللحود

كروان بلا لسان

أنا الحرف إلي عاش محبوس

جود ضلوعي بيعاني

أنا إلي بكتب الكلمه

ولا الكلمه إلي كاتباني

أنا الواقف في آخر الصف

أنا المركون فوق الرف

أنا الكروان نفسه يعني

لكن خيطوا لساني

أنا الورد ف أرض البور

قلم صادق فعهد الزور

وقلب من القسا محفور

بحب الناس

بين الناس كرهاتي
أنا إلي زماتي عشمي
لكني تعبت
م التخريم ف وداني
أنا النقطة في آخر السطر
أنا الضحكة إلي
داسها القطر
وسابها تنن وتعاني

أنا إلي زهفت
من كثر الأسي واللوم
أنا إلي سكنت
في عش الغراب واليوم
أنا المكلوم
ومن صدر الهنا مفلوم

أنا عايش بنية خير
بقلب أخضر كما العصافير
وعمري م خنت خلاني
على الرحمن تكلاني
ولولا الصبر والتقوي
مكنش زماني خلاني
أنا عشت برضا ربي
على الإخلاص متربي
وعكس الناس فاهماني
ومن كتر البكا والنوح
طلع شيطاني واساني
أنا المدبوح

جسد ميت ومن غير روح

دموع العين فضحاني

وطوفت الكون على فرحه

أتاري الفرحة رافضاني

(سكة الأنطاع)

برغم الحب شئى نادر

في دنيا محمله أوجاع

علي فراقك منيش قادر

ولا عارف أكون بياع

ولا قادر أكون خاين

وأجرب سكة الأنطاع

ولما تمد لي إيدك

تلاقيني أمد الباع

يروح القلب ويسافر

ويغرف من هواك بالصاع

ويغزل م النجوم طرحه

جميله وكلها ابداع

ويزرع دنيتك فرحه

وفيها من الزهور انواع

أفوت الكل وأرجعك

وأبيع نفسي عشان ارضيك

ألاقي روعي تضحكك

وأطوف حوالياك عشان ارقبك

متناديش يا قدس

متناديش يا قدس فينا
إحنا ف تعداد الأموات
حبة دم بتسرح فينا
بس ضميرنا تركنا وفات
بنسلم روحنا لأعدائنا
نشترى بالغالي إلهي يبيعنا
مش فالحين غير ف الشعارات
قدس بتصرخ فين أولادي
حبه ف قهوه وحبه فنادي
والباقي سهران ع الشات
فين الرجاله إلهي تحرر
مين للإسلام فكر ينصر

كلو ف بحر من النزوات
عدينا حدود المليار
وسكنا جميع الأقطار
وف عين العالم حشرات
حبه حقيره بتلعب بينا
صنعت إرهاب مننا فينا
يايدينا بندبح نفسينا
على أهل الإسلام سلامات

خد فكره لبكره

قاعد بتفكر في إمبارح

وتعيد الذكري

وفأيديك قلم وكراسه

وبترسم بكره

بتحاول تمسح فجراحك

والذكري المره

بتقطع في الورق وترمي

في السله الخضرا

طب حاول تالت او رابع

إيه إلی حيجري

مليانه السله علي الآخر

وبتطفح بره

ومفكر حزنك بالساهل
حيمر بسرعه
بتضيع في الرسم سنينك
والحلم فبكره
أترك احمالك ع المولي
هو رب القدره
ارجع من تاني لأخطانك
خد منها العبره
مش أول واحد بتلاقي
ف طريقك عثره
بالساهل فاكر أحلامك
وطريقك خضره
قوم قوي إيمانك ح يعينك
في السكه الخطره
ولا أنت حتياس وتكسل

من اول نقره
بدروس الماضي بتقوي
وبتاخذ فكره
بالعزم بتوصل لمرادك وتنول الثمره

يوميات شهيد

شايلى هموم الوطن على كتفى بسلاحي
والكل نام الليل ولوحدي أنا صاحي
مصلوب بليل الشتا مكوي بنار الصيف
أحلم بلحظة دفا وأحسب ساعات الخوف
والكل عايش وأنا مكفي على جراحي
أسلي نفسي بنفسي وأكلم الأحجار
وكل ثاتيه تعدي عليا جمر ونار
والكل فرحان وأنا ممنوعه أفراحي
باقي عليا سنه وألبس هدوم العيد
وأخلع هدوم الضنا وأجبلي لبس جديد
وأعملي زفة فرح وأبقى عريس وسعيد
سنين و عايش هنا بحلم وأنا صاحي

ليلي طويل إنما بكرة أكيد جاي لي
دنيا مسيرك بقى هتجيلي تتحايلي
باقي سنه ف دفعتي وأروح لأمي سعيد
شايل شرف خدمتي لبلدي ف التجنيد
إرتحت من مخلتي وسلمت أنا سلاحي
حيكون دا يوم المنى وأسهر. مع صحابي
وأحس طعم الهنا والفرح صباحي
وفلحظه راح الحلم وخذ معاه الفرحة
جسمي إالي واقف حجر هيل مع الصرخه
لما رصاصة الغدر جاتلي بدون مواعيد
وإرتحت من وقفتي وأخذت إسم شهيد
نار وبارود ف القلب تغدر بلا تفكير
أصرخ بصوتي الحي كاني طفل كبير
جايلك يا أمي خلاص ملفوف مع جراحي
إطمني ياما ربك مضيعنيش

حلوه الحياه لما أموت وروحي تعيش
لو تعرفي ياما في الجنه حالي إزاي
وبقيت أنا ياما إسمي الشهيد الحي
قولي لخطيبتي خلاص شوفي عريس غيري
الجنه حورها كثير خمري وتفاحي

توبه

ياربنا توبه
عبدك يارب فقير
نادم وطالب خير
افتحلي طاقه نور
تهديني للتوبه
اجعلني م الصالحين
مستور ف دنيا ودين
ذنوبي في الموازين
جبال ومنصوبه
اغمر في قلبي نور
واجعلني ياهادي
يوم الحساب منصور

ورضاك يكون زادي
قويني يامن هدي
علي كل عادي عدا
املاً عيوني رضا
دا القسمه مكتوبه
انت الرحيم يا حي
ارحمني واغفر لي
هون حمولي علي
واقبلني بالتوبه

ياربنا توبه
للذنب مش راجع
مشيت طريق الذنوب
لاقيته مش نافع
عبدك وراجع ليك

رافع ايديه يناديك
بإرادته مسلوبه
بلغني بالجنيات
وتب لما قد فات
والعثره والذلات
دي سنيني محسوبه
ديني هو الاسلام
ورسولي خير ختام
ورايتيه منصوبه
ملك الوجود الله
ولا إله سواه
انزلها في القرآن
شريعته مكتوبه
ياربنا توبه

دور على حقاك

اياك فاكرا ان الظلم

حبيجي في يوم

يترجي سماحك

او يستسلم

طول م سيادتك

بعث سلاحك

اياك فاكرا ان الدمع

ح يشفي جراحك

تشكي وتبكي

اوعي تفكر ان الناس

راح تراف بيك

عمر م يمسخ

دمع عيونك إلا إيديك

دور علي حقاك

وتحايل

وأفترج ع الحال المايل

وأفضل ساكت

لما سكوتك

سار فضاحك

توب الذل

إتلفح بيك

بعد م هانت نفسك

ف عنيك

وعدوك سرقاك

من أفراحك

بعد ما كان

من ضمن عبيدك

خلاك عبد
تمد ف إيدك
تترجي اللقمه
ف إيد سيدك
ومحظور عنك
حتي نواحك
خلاك محبوس
جوه حيطانك
وختم علي قلبك
ولسانك
وبيجري ويلعب
جوه براكك
لملم أحزانك وجراكك
وداري دموعك
جوا عنيك

خلي سنينك

تثمت فيك

والطير يتغني على نواحك

انت خلاص ضيعت بايدك

فرصه ترجع بيها صباحك"

أنا عاشق

أنا عاشق. للطبله البلدي
وأصحي من الفجر. وبتنطط
واركب عجلة. محمود ولدي
وأطلع ع الموجه. وبتدحرج
واسرح وف جيبي مفيش مليم

وأعرف ليلي. وأعرف عزه
وأعرف ف اليوم خمسين مزه
مع إني في حب مراتي. أهيم
ولا غيرها. عشقت. في عمري حريم

أنا بفطر فول بالطعميه

وعند الحاتي الغدوه الجايه
إن شاله أرهنله الجلابيه
أو أغسل. كل المواعين

أنا مصري. وعائش متمرمر.
مع ذلك. بضحك. وأكركر
رامي الأحمال.
ع المولي كريم

ربما . يمكن . وجايز

أبقى بكرة من العجاير
عضمي شاخ وإتهد حيلي
قطري فات وإتمد ليلي
وأمشي مسنود ع العكايز
شيئ ضعيف والجسم خاني
والشباب سافر وسابني
وأبقى محتاج عطف إبني
للسند محتاج وعائز
كل شعره فيا شابت
حتى نظرة عيني خابت
والمفاصل مني سابت
وأفضل أصرخ يلا يابني

بدرى ع المسجد تاخذني
أوعى تنساني وتسيبني
مره يوفى ومره جازي
وأفكر لحظة شبابي
وأفكر شلة صحابي
مجدي ومحمد وفايز
ربما.. يمكن.. وجازي

الهم زاد

داير بيشكي للخلايق والعباد

هم وجراح

والعين بتنزف م الفراق والإبتعاد

حافي علي جسر الأمانى

وشايل الحلم القتيل جوا الفواد

والحزن عاد

داير يطوف راسم غمامه ف السما

ماشى ف أسراب الجراد

لابس عباية عمر متلفح سواد

والصبر أعلن إنسحابه وإنحنى

وسلم جميع الأسلحة

والذل رافع سطوته

ودايس علي طرف الزناد

نال المراد
ورفع رايات الإنكسار
وزاد الحصار
كل الدروب اتقفلت
كل الأماني إتفقلت
وإتسلسلت من غير معاد
زارع في كل طريق وتد
يرسم زبد
على بحر مليان بالفساد
سرق البرانه ف الولاد
والفرح رافض ينتفض
أو يعترض
أو حتى فكر ينتقض
باع القضيه وراح وسلم جنته
وإتعري لجن الإنجلاد

لو الميزان ينعدل

لما الميزان ينعدل
تلقى الأمور تتحل
والعيشه تبقى عسل
بعد أما كانت خل
لاحد راح ينجرح
ولاحد راح ينذل
لو كلو خاف ربنا
في كل أفعاله
تلقى الحياه ع الأرض
جنه تساع الكل

عن حادث كنيسة القديسين

ومين قتلوك
مادام الكل حبينك
وليه كرهوك
مادام دين السماح دينك
وفين ينفوك
مادام بقلوبنا شايلينك
والفين عام
وسطينا وعارفينك
وأهلك إلهي ربوني
وأهلي إلهي مربينك
بأفراحك قوام نفرح
وف الأحران سابقينك

وليه أعاذك
ولي ديني وليك دينك
نفوس كافره
تحاكمك قبل م تدينك
قلوب غادره
وراحت تحصد سنينك
أكيد بالشر
قاصديني وقاصديك
وخطوه فخطوه يحتلوا
ميادينى وميادينك

همسة رد في سجال

يا مفرقين الشموع
قلبي إنكوي وإحتاس
وفسكة العاشقين
مفیش مكان لمداس
وفكل خطوه حفر
وكل ميل متراس
حاسب علي خطوتك
أصل الطريق حساس
لافيه قانون يحكمه
ولا حتي فيه حراس
وإلي تزول خطوته
تحت المداس ينداس

أنا مصري أصيل

انا مصري اصيل ومتاصل من مية نيل
أنا بنحت في الصخر واكسر وأشق الليل
صابر علشانها ومتحمل لو دقت الويل
دايماً بدعيلك تتروي

وبعزم ولادك تتقوي وتشدي الحيل
انا مصري اصيل ومتاصل من مية نيل
لو شفت جمال مصر بلادي
وتاريخ مكتوب من أجدادي والشعب أصيل
يا بلادي أنا بكتبك موال
وبسمع من وادي لوادي
من أحلي كلام الحب إتقال
علي كتفي سلاحي وبنادي

لو قرب عادي علي بلادي
علي يد رجالها يدوق الويل
أنا مصري أصيل ومتأصل
من مية نيل
يالي إنت الهنا وإنتي الجنه
وفحضنك عايش بتهدنا
وترايك حبات الحنه
فستان أخضر علي شط النيل
وتعيشي يا بلدي بكل سلام
والخطوه تكون دائماً قدام
ونضحى بعمرنا جيل ورا جيل
أنا مصري وحلمي علي إيديكي
والفضل عليا ياروحي كبير
أنا مصري أصيل ومتأصل
من مية نيل

عن رؤوس التشيع

اللهم اجعلهم من اهل اليسار

وأهدم عليهم كل دار

واجعل سكناهم النار

تكن لهم بنس القرار

إلهي لا تقبل لهم أعذار

وأمنع عنهم الأمطار

والإقطار

وليل لا يطأه نهار

وأشجار بغير ثمار

وعصف نبتهم وخوار

وخبز علقم ومرار

لكل أولئك الفجار

وكل معاوئي بشار
إلهي القادر الجبار
بدل حسنهم أوزار
وأبدل فرحهم أكدار
وأكشف عنهم الاستار
أجعلهم بغير ستار
لتظهر قبحهم وعوار
إلهي الواحد القهار

من سجال

الرابطة المصرية لشعراء العامية

مركز وفايق جميل انت رايق
وبدر الليالي ونجم الزمان
عيونك تجنن وتنصب مشانق
واقولك بحبك. تقولي كمان

مركز وفايق جميل انت رايق
وتأمر وتنتهي واقولك تمام
وترجع تزيف جميع الحقايق
وتخلف كلامي وغير الكلام

مركز وفايق جميل انت رايق

وزهرك مندي وقلبك كبير
وزرعك مرعرع واخضر وعايق
معطر حريرك. بلون العبير

.....

مركز وفايق جميل انت رايق
وم البعد أصرخ وم الهجر أموت
وحوالي لمة وحاسس بضلمه
بعد المواجه في ليل السكوت

.....

مركز وفايق جميل انت رايق
وفكرت اسابق في شعراء كبار
وراكب حصاني بسرعه وسابق
وفجاه حصاني بيقلب حمار

هي الدنيا رزیه
والتقوي هي المنجیه
دنیا تخلي الخنفس فارس
والفارس يصبح سحليه
مهما حنجري او نتصارع
عمر الدنيا ما كانت غيه
في ناس بالبدله بتتعايق
وناس تتكعبل في الجلبیه
كل الناس بلسان تتكلم
بس الفارق في التربيه
ازرع تحصد جاهد تلقي
طهر قلبك صفي النيه
أوعي البدله تنسيك أصلك
والسفره تنسيك الطبلیه

مشتاق

مشتاق لعينيكي _____ يا عيني
من نفسي ومن عزالي تحميني
مشتاق _____ قلبك يديني
في عز البرد ورموشك تغطيني
مشتاق _____ لإيديكي ترقيني
من الاحزان . عن الدنيا تداريني
من القسوه -- _____ من الحرمان
من الخوف _____ إلي ماليني
وتهديني --- _____ -- تواسيني
وتمسح دمعني _____ من عيني
محتاج لهواكي _____ ياعيني
ينسيني _____ آسي سنيني

آسي- _____ - الوحدہ

إلي عشت سنين _____ أداريها

عن العزال _____ -- وحاسديني

بعدي عني _____ يا عيني

وسبتين أواجه شوقي وحنيني

مشتاق قربك _____ ينسيني

ومدي إيديكي _____ ضميني

ضميني _____ ؛ بكل الشوق

بكل هواكي ضميني

نبذة عن الشاعر

الإسم. حسن محمد ياسين

موظف بكلية الطب جامعة حلوان

من مواليد محافظة الأقصر جنوب مصر وتحديدًا من قرية العديسات بالطود تلقى مراحل التعليم الأولي ثم إنتقل إلى القاهرة

حاصل على بكالوريوس التجاره من جامعة عين شمس
تخصص إدارة المستشفيات

عضو رابطة شعراء العرب وعضو مؤسس جمعية إبداع
الثقافيه حاصل على العديد من الأوسمه والجوائز محليا
وعربيا

لقب بلسان الجنوب

متزوج وله أربع أبناء

محتويات الكتاب

الصفحة	القصيدة	م
2	بطاقة الكتاب	1
3	الإهداء	2
4	مقدمة الشاعر	3
5	سكة الأنطاع	4
7	الإرهاب	5
9	غزة بتنباد	6
11	أنا الحافى	7
14	قضبان الوجع	8
16	رافع إيديا للسما	9
17	راجع تانى	10
19	شهدك بطعم الخل	11
21	رغم الظروف	12
27	رباعيات	13

29	ولو سألوه	14
32	أنا كروان	15
35	قرار إزالة عن جزيرة الوراق	16
37	يابا	17
40	شطرنج الحروف	18
41	مناورة شعرية	19
44	صباح الفرح يابلادي ✓	20
47	إلمس كفوف السما	21
48	كونى ضدى	22
52	جوا الزنازين	23
54	الخيانة	24
56	كروان بلا لسان	25
61	متناديش ياقدس ✓	26
63	خد فكرة لبكره	27
66	يوميات شهيد ✓	28

69	توبه ✓	29
72	دور على حقلك	30
76	أنا عاشق	31
78	ربما .. يمكن .. وجايز	32
80	الهم زاد	33
82	لو الميزان ينعدل	34
83	عن حادث كنيسة القديسين	35
85	همسة رد فى سجال	36
86	أنا مصرى أصيل ✓	37
88	عن رؤوس التشيع	38
90	من سجال الرابطة المصرية لشعراء العامية	39
93	مشتاق	40
95	نبذة عن الشاعر	41
96	محتوى الكتاب	42

نرجو أن نكون قد قدمنا لكم
ما يحترم عقولكم وقلوبكم
وأن نكون للمكتبة العربية
ما يرفع من شأنها ويزيدها قوة

أنا لسان إتحرم م البوح
وعصفور إتولد مدبوح
تموت الروح
مادام مزروعه وسط الهم

قالولي الفجر هيشقشق
ف خفت من الهنا أغرق
ومين عاقل راح يصدق
ومين بالمجروحين يهتم

